

# 1 Le gnomos Natal 2 adjuta le molinero



3 In un ancian molino de vento in  
4 Hollanda del Nord viveva un  
5 familia de gnomos Natal. Illes  
6 esseva bon amicos del molinero.  
7 Un vice ille habeva salvate mama  
8 gnomo ab esser molinate in farina,  
9 quando illa habeva cadite a basso inter le molas. Ulteriormen-  
10 te ille sovente poneva lacte e scutellas con farina pro le gno-  
11 mos Natal.

12 In recompensa illes usava lor capabilitate pro previder le  
13 tempore e assi dava al molinero multe advertimentos utile de  
14 tempestas veniente. Alora le molinero habeva tempore pro  
15 fixar le alas del molino, assi que illo non escapparea de con-  
16 trolo, un cosa que es le timor de cata molinero. Si alcuno in le  
17 familia moliner cadeva malade, le gnomo Natal appareva e  
18 poneva un parve mano rugate sur le fronte del malade febrici-  
19 tante. Ille anque serviva de medicamentos currente, e le  
20 resultado usualmente esseva que le malade rapidamente deve-  
21 niva san.

22 Toto vadeva ben pro le molinero. Esseva un diligente  
23 familia que laborava multo, e le infantes esseva gentil a  
24 adjutar, e le dolos e preoccupationes esseva poc. Usque al  
25 momento quando gente invidiose in le village comenciava  
26 parlar mal del molinero. Illes diceva que ille usava magia  
27 nigre e esseva collega con le Diabolo mesme. Le molinero se  
28 defendeva contra le accrescente accusationes per narrar que  
29 su sol socios esseva alcun gentil gnomos Natal. Il habeva un  
30 parte del population del village qui non credeva in gnomos  
31 Natal e qui non acceptarea su explication. Il debeva esser  
32 fortias plus alte e periculose con qui le molinero collaborava.  
33 Ma un juvene puera brillante, filia de un del homines suspi-  
34 ciose, trovava grande interesse pro le parlar de gnomos Natal.  
35 Illa esseva bon a designar e modellar figuras in argilla. Illa  
36 faceva un parve statua belle de un gnomo Natal con un circu-  
37 lo de barril. Illa habeva le figura cocite in le forno del pane-  
38 tero e lo poneva in le jardin. Le figura causava admiration e  
39 gaudio presso le gnomos Natal qui passava, e illes faceva  
40 secur que toto vadeva ben pro le puera e su parentes.

41 Le parentes habeva, a saper, contradicite le molinero e le  
42 parlar de gnomos Natal, ma ora illes videva evidencias que le  
43 gnomos Natal poteva esser gentil e portar felicitate.

44 Pois illes anque comenciava defender le molinero, e tosto le  
45 attitude in le village se tornava al avantage del molinero. De  
46 isto veniva le creder incorrecte que on es ben adjutate e  
47 amico con le gnomos Natal, si on solmente pone un figura de  
48 gnomo Natal ante su casa. Un tal figura totevia non es un  
49 garantia del amicitate del gnomos Natal. On debe haber –  
50 como in le caso del puera – un ver interesse (pro non dicer  
51 amor), si on debe haber spero de devenir amico con un gno-  
52 mo Natal.

*Pro tu notas*